

Die eis van tuiskantooruitgawes

SARS VRA INDIVIDUELE BELASTINGPLIGTIGES OM ENIGE EIS VIR TUISKANTOORUITGAWES DEURDAGTIG TE OORWEEG VOOR DIE INDIENING VAN HUL INKOMSTEBELASTINGOPGAWES

Tshwane, 1 Julie 2021 - SARS het onlangs die nuutste oor tuiskantooruitgawes op sy webtuiste gepubliseer. Hierdie verklaring het ten doel om bykomende helderheid aan individuele belastingpligtiges te verskaf, wie dit oorweeg om eise vir tuiskantooruitgawes op hul inkomstebelastingopgawes te eis, dat dit nou vir die 2021-belastingjaar ingedien kan word.

Dit is verstaanbaar dat, as gevolg van die impak van Covid-19, 'n aantal individue langer tye as gewoonlik van die huis af gewerk het.

Indien jy oorweeg om vir enige verwante uitgawes te eis, is dit belangrik om van die volgende kennis te neem:

1. Daar is geen veranderinge gebring aan die wetgewing ten opsigte van 'n "tuiskantoor" nie. Die wetlike vereistes bly dieselfde as voor die Covid-19-pandemie. Kortliks, beteken dit dat:
 - 'n Kantoor, toepaslik toegerus, moet by die plek van primêre woning opgestel wees;
 - Die kantoor moet gereeld en uitsluitlik vir werksdoeleindes gebruik word;
 - Die kantoor moet vir meer as 50% van die werknemer se verpligtinge gebruik word, of, waar die werknemer meer as 50% van hul vergoeding uit kommissie of ander veranderlike betalings, gebaseer op werksprestering is, meer as 50% van die werknemer se verpligtinge weg van die werkgever se kantoor verrig word;
 - Enige tuiskantooruitgawes moet aan indienshoudingsgebruik gekoppel en verifieerbaar wees; en
 - Tuiskantooruitgawes moet teen bronkode 4028 op die inkomstebelastingopgawe geëis word.

2. Waar die tuiskantoor op eiendom in die belastingpligtige se eie besit is, moet sodanige belastingpligtige kennis neem dat die formele omskrywing van 'n primêre woning as tuiskantoor, waarskynlik ongunstige gevolge op toekomstige kapitaalwinsbepalings kan hê. Die tuiskantoorarea sal, op 'n proratabasis, uitgesluit word van die primêre woning uitsluiting van R2 miljoen met beskiking van die woning. Daarom moet eise vir tuiskantooruitgawes behoorlik deurdenk word. Belastingpligtiges mag ook vind dat, om van die huis af te werk, tot besparinge op uitgawes lei wat hul andersins sou aangaan, soos vervoer, slytasie op voertuie, en so aan. Wanneer dit saam met die verlies aan kapitaalwinsuitsluiting oorweeg word, kan sodanige besparinge swaarder weeg as die voordeel van 'n eis vir tuiskantooruitgawes.
3. Hoewel alle eise vir tuiskantooruitgawes onderhewig mag wees aan verifiëring of oudit deur SARS, is dit belangrik om kennis te neem dat daar 'n groot moontlikheid is dat 'n belastingpligtige wat vir die eerste keer tuiskantooruitgawes eis, vir verifiëring of oudit uitgewys sal word.

SARS-kommissaris Edward Kieswetter sê: "Die behoefte vir menige werknemers om op 'n afstand te werk, is deur die Covid-19-pandemie genoodsaak op 'n ongeëwenaarde wyse. Ons verstaan dat menige werkgewers en werknemers worstel met die skep van 'n 'nuwe normaal'. Ons vra eenvoudig dat belastingpligtiges die langtermyn gevolge, van die omskrywing van 'n area in hul primêre woning as tuiskantoor vir belastingdoeleindes, versigtig oorweeg. Dit kan dalk wyser wees om te wag en 'n meer volhoubare ritme te bewerkstelling voor 'n besluit gemaak word".

Hierdie verklaring vervang nie die werklike teks van die bepaling in die Wet op Inkomstebelasting, 1962, nie, ook nie die leiding op die SARS-webtuiste nie. Belastingpligtiges wat verdere hulp nodig het, kan verwys na ons webtuiste www.sars.gov.za.

Vir meer inligting, kontak SarsMedia@sars.gov.za